

Kanton Sarajevo  
Skupština Kantona Sarajevo  
Elvedin Okerić, zastupnik Političke organizacije Narod i pravda

KANTON SARAJEVO  
**Ministarstvo komunalne privrede, infrastrukture,  
prostornog uređenja i zaštite okoliša**

### **ZASTUPNIČKA INICIJATIVA**

U skladu s trajnim opredjeljenjem za dosljednu implementaciju progresivnih natalitetnih politika, između ostalog i za direktnu pomoć u rješavanju stambenog pitanja mladih bračnih parova što smo više puta naglašavali i najavljivali, a u okviru implementacije zaključka koji sam predložio na Tematskoj sjednici o mladima Skupštine KS i koji je jednoglasno usvojen,

pokrećem inicijativu prema Ministarstvu komunalne privrede, infrastrukture, prostornog uređenja, građenja i zaštite okoliša za sufinansiranje najma stanovanja za mlade bračne parove koji nisu kreditno sposobni i nemaju mogućnost kupovine stambenog prostora, uz adekvatne kriterije koje će propisati Ministarstvo, a koje će obuhvatiti period trajanja subvencije, visinu subvencije, uvjete i drugo.

Broj sklopljenih brakova dugi niz godina u KS u kontinuiranom je padu. Stambena samostalnost mladih u BiH je na niskom nivou, ni Kanton Sarajevo nije u puno boljoj situaciji. Prema prethodnim istraživanjima, oko 13 posto mladih u KS stambeno se osamostalilo. Pozdravljam dosadašnje napore resornog Ministarstva u oblasti stambenog zbrinjavanja mladih i velike iskorake koje je napravilo i u iznosu sredstava i u broju riješenih zahtjeva u odnosu na prethodnih period. Ovu inicijativu upućujem kao dopunu i nastavak tog procesa, da u podršci rješavanju stambenog pitanja mladih, pored onih koji su u finansijskoj situaciji da steknu vlasništvo nad stambenim prostorom, obuhvatimo sufinansiranjem najma i one koji to nisu, a u velikom su broju.

Ovo bi bio još jedan od poticaja za rast nataliteta i stvaranje ambijenta za razvoj porodice kroz novu politiku stambene podrške, koja može obuhvatiti sve nove mlade bračne parove.

Sarajevo, 06.07.2022.godine

Elvedin Okerić